



GIPUZKOA



ETA EUROPAR BATASUNA

146. INFORMAZIO BULETINA

> 2019ko uztaila-abuztua



Fondo Europeo de
Desarrollo Regional (FEDER)
"Una manera de hacer Europa"

Eskualde Garapenerako
Europar Funtza (EGEF)
"Europa egiteko modu bat"

GIPUZKOA



NABARMENDU BEHARREKOA

> **Gipuzkoako Foru Aldundia, erreferentziazko erakundea Nazio Batuen GJHen esparruan**

United Cities and Local Governments (UCLG – Hirien eta Tokiko Gobernuen Sare Bateratua) sarearen txosten batek jarraibide egokien adibide gisa jarri du Gipuzkoako Foru Aldundia, Nazio Batuen 2030 Agendako garapen jasangarriko helburuen arloan (GJH) egin duen lanagatik, Etorkizuna Eraikiz ekimenaren gerizpean egiten ari denagatik, hain zuzen ere. "Gure lurraldeak legealdi bat darama lan egiten arlo horretan; beraz, esanguratsua da dagoeneko gu aipatzea nazioartean prestigio eta garrantzi handia duten argitalpenetan. Egindako lana oso ona izan da, eta Gipuzkoa hasita dago aitortua izaten erreferente gisa garapen jasangarriko helburuen eremuan", azaldu Imanol Lasak, Ekonomia Sustapeneko, Turismoko eta Landa Inguruneko diputatuak.

Delako argitalpena, Towards the localization of the SDGs (GJHen lokalizaziorantz), New Yorken (Estatu Batuetan) aurkeztu zen uztailan, Garapen Jasangarriari buruzko Goi Mailako Foro Politikoaren barruan, eta munduko hainbat administrazioek 2030 Agendaren esparruan egindako lanaren bilduma gisa. Dokumentu horrek hiru aldiz aipatzen du Gipuzkoako Foru Aldundia, ahotan hartuz arlo hauetan egin duen lana: 2030 Agendaren garapena, Elkarbizi sarea (ekimen bat, zeinaren helburua baita Gipuzkoako udaletan gauzatzen diren esperientziak partekatzea, eta aniztasuna landuko den programa bat diseinatzea), eta bakegintzako politiken arloko ekimenak.

Imanol Lasak gogorarazi duenez, Foru Aldundiak azken legealdian ekin zion GJHen barruan kokatzeari erakundeak aurrera eramaten dituen era askotako ekintzak eta proiektuak, Etorkizuna Eraikiz ekimenetik hasita. "Gure lurraldea konprometituta dago agenda global berri horrekin, helburutzat baitu pobrezia desagerraraztea, desberdintasuna murriztea, planeta babestea eta pertsona guztien onura bermatzea", defendatu du Ekonomia Sustapeneko diputatuak. Horren haritik, gaineratu du ezen helburu hori lortzea gizarte osoari dagokiola, eta esparru horren barruan, "Foru Aldundiak rol aktibo bat hartu nahi du bere gain, lankide dituela lurraldeko herritarrek eta gizarteko nahiz ekonomiako eragileak, egunez egun lan egiten dutenak lehenetsun horiek errealitate bihurtze aldera".

(informazio +)



> **Bidegi Foru Agentziak aurretiko neurriak hartu ditu Gipuzkoa eta Europa arteko errepide loturan G7 goi bileraren egunetan**

G7-aren Miarritzeko goi bilera zela eta, AP-8 eta AP-1eko ordainlekuetako kabinetan oharrak jarri ziren abuztuaren 23, 24, 25 eta 26an Biriaturako muga saihesteko.

Bidegik kudeatzen dituen AP-8 eta AP-1eko 113 ordainlekuetako kabinetan Trafikoko arduradunek emandako gomendioen oharrak jarri ditu. Bertan eta baita lau hizkuntzatan ere abuztuaren 23, 24, 25 eta 26an Iparraldeko muga saihesteko "Saihestu muga Euskaditik igarotzea" mezua adierazi zuen.

Bestalde, aurreikuspenen arabera, 31etik abuztuaren 3ra, Irungo ordainlekutik 221.800 ibilgailu inguru pasako zirela aurreikusia zegoen.

AP-8 eta AP-1 autobideak kudeatzen dituen Bidegi foru agentziak Irun eta Zarautzko ordainleku nagusietako kabina guztiak zabaldu ditu trafiko handieneko bi asteburuetan aurreikusten ziren trafikoen joan etorriei erantzuteko.

(informazio +)



> **Gipuzkoako Foru Aldundiak Basque Card txartela turismo bulego berrietara hedatu du, Donostiako eta San Sebastian Region guneez gain**

Uztailaren 15etik aurrera, lurraldeko hainbat turismo bulegotan dago erosgai Basque Card txartela, Gipuzkoa bisitatzen duten turistek garraio publikoa erabil dezaten. Bonu hori, orain arte, behintzat, Donostiako turismo bulegoan eta San Sebastian Region turismo bulegoan bakarrik zegoen salgai: ahalbidetzen du Gipuzkoan Mugi sisteman integratuta dagoen garraio publiko guztia erabiltzea; eskaintzak ditu eta deskontuak eskaintzen ditu hainbat museo eta ekintzatan. Orain, berriz, Gipuzkoako Garraioko Lurralde Agintaritzako (GGLA) kide gisa, Foru Aldundiak erabaki du txartelaren banaketa eta hedapena areagotzea, eta salmenta-puntu gehiago egongo dira, produktu hori saldu nahi duten Gipuzkoako turismo bulego guztietan, hain zuzen ere.

Ez da txartela sustatzeko asmoz hartzen den neurri bakarra, zeren eta, lehenengo aldiz, erabiltzaileek aukera izango baitute txartela kargatzeko. Sisteman sartzen diren turismo bulegoek hautatu dezakete edo salmenta eta karga zerbitzua, biak eman, edo salmentarena bakarrik. Donostiako eta San Sebastian Region turismo bulegoetan ez ezik, hainbat herritako bulegoetan ere egongo da erosgai txartela, hala nola Ordizia, Zumaia, Tolosa, Loiola, Zestoa, Zarautz, Hernani, Getaria, Pasaia eta Orio. Prestakuntza-saio bat egin da, Foru Aldundian, bulego horietako langileekin, nahiz eta zerbitzua irekita dagoen, Gipuzkoako beste turismo bulego batzuek ere aukera izan dezaten, edozein momentutan, zerbitzuan sartzeko.

Ekonomia Sustapeneko, Turismoko eta Landa Inguruneko diputatu Imanol Lasak ontzat jo du neurria, eta azpimarratu du "urrats bat gehiago" dela honelako turismo baten aldeko apustuan: "kalitatezko turismo bat, jasangarria eta Gipuzkoako herritar guztiengan eragin onuragarria duena". Basque Card txartelak bat egiten du lurraldeko mugikortasun jasangarriarekin. Izan ere, "garraio publikoaren erabilera sustatzen du bisitatzen gaituztenen mugimenduetan, ibilgailu pribatuaren aldean. Gainera, pizgarri bat da turismo fluxuak Gipuzkoa osora banatzeko, eta, tresna bat gehiago ere bada beraren erakargarri turistikoak sustatzeko". Turismo bulegoei begira, gogorarazi du ezen, txartelari esker, aukera izango dutela "haien eskualdean ostatu hartuta dauden pertsonak beren joan-etorriak ibilgailu pribatua erabili gabe egin ditzaten", eta horrek berekin dakar aparkalekutan aurrezte, eta trafikoa zein ingurumen inpaktua murriztea.

(informazio +)



> **San Sebastian-Gipuzkoa Film Commission indartzen doa nazioarteko zinema eta telesail filmazioak sustatuz gure lurraldean**

Gipuzkoako lurralde osoko filmatzeetarako zerbitzua eskaintzeko baterako bulegoa sortu ondorengo lehen urtean, San Sebastian-Gipuzkoa Film Commisonek, Ekonomia Bultzatzeko Zinegotzigoaren-Donostiako Sustapenaren eta Gipuzkoako Foru Aldundiko Kultura Departamentuaren mendeko erakundeak, lurraldeko garapen-agentzien lankidetzara ere izanik, 87 filmatze burutu ditu hiriburuan eta lurraldeko herri ezberdinetan, eta zuzeneko inbertsioa 4,2 milioi eurokoa izan da.

Urtearen amaierara begira, 2019. urtea urte historikoa izango dela esan daiteke Donostian eta Gipuzkoan egindako filmatzeak kontuan hartuta eta burutzen ari diren proiektuen garrantzia eta kalitatea medio. Hiriaren eta lurraldearen irudia Woody Allen bezalako zuzendariaren (nazioarteko ibilbidea duena) pelikularen bidez hedatzeak izan dezakeen oihartzunari burutzen ari diren produkzioek sortutako aberastasuna gehitu behar zaio. Iaz, zuzeneko inbertsioa 4,2 milioi eurokoa izan bazen ere, 2019. urteko lehen zazpi hilabeteetan 8,8 milioi eurokoa izatera iritsi da.

Denis Itxasok, Kultura diputatuak, honako hau adierazi zuen: "Kultura diputatuak azaldu duenez, «Gipuzkoa zinema plato erraldoi bat da, eta zaindu, kudeatu eta ezagutarazi egin behar dugu, zinemak duen balio immateriala ukaezina baita, kanpo proiektuari eta erakargarritasunari dagokionez, baina balio horri aberastasuna eta enplegua sortzeko duen gaitasuna gehitu behar diogu. Gipuzkoak kostaldea eta barrualdea ditu; ondare naturala, kulturala eta industrial; hiri eremu ederrenak; eta, garrantzitsuena, gaitasun handiko giza kapitala, edozein proiektu motaren beharrei erantzuteko gai izango dena. Horregatik, zinemaren industria lurraldearen irudiarentzako erakusleho gisa ikusteaz gain, aukera ekonomiko gisa ere ikusi behar dugu, talentua erakartzeko aukera gisa. Eta hori da Gipuzkoako Foru Aldundiak Gipuzkoa-San Sebastian Film Comission bezalako tresna bat sustatzerakoan bilatzen duen helburua".

(informazio +)



KOHESIO POLITIKA

> **Foru Aldundiak EAEko EGEF 2014-2020 Programa Eragileak lagundutako ZergaBidea plataformaren arrakasta eta ekarpena azpimarratu du, online errenta aitortpenen hazkuntzan**

ZergaBidea plataformak izan duen eragina nabarmendu du Ogasuneko foru zuzendari den Jokin Peronak, aplikazio aitzindari honek oso harrera ona izan baitu zergadunen artean.

Aitorpen mekanizatuak 74.836 izan dira, eta internet bidez aurkeztu direnak 92.356, 73.329 aholkularien bidez eta 19.027 norbanakoek aurkeztu dituztenak.

18,7 milioi euroko emaitza negatiboarekin itxi du Gipuzkoako foru Ogasunak 2018ko Errenta kanpaina, aurreko urtekoa 3,1 milioi eurotan hobetuz. Ogasun eta Finantzetako foru diputatu den Jabier Larrañagak kanpainaren irakurketa positiboa egin du, zehaztuz 275 milioi euro itzuli zaizkiela zergadunei eta beste 257 milioi jaso. Hobekuntzaren arrazoia, foru arduradunaren esanetan, lurraldeko ekonomiak bizi duen momentu ona litzateke, 2018 urtea oso ona izan dela nabarmenduz. "Adierazle ezberdinek esaten digutena da aurreko urtea oso ona izan zela enpresen salmentei, enpleguari edota soldatei dagokionean, eta honek guztiak eragin zuzena du kanpaina honen emaitzetan", esan du Larrañagak.

Larrañaga foru Jauregian agertu zen uztailaren 18an hedabideen aurrean, Ogasuneko foru zuzendari den Jokin Perona eta Zerga Kudeaketako zuzendariorde den Yolanda Dominguezekin batera, amaitu berri den kanpainari buruzko zehaztasunak emateko. Foru diputatuak azaldu duenez, 381.670 aitortpen aurkeztu dira, aurreko urtean baino 4.281 gehiago. Honenbestez, hirugarren urtez jarraian hazi da aitortpen kopurua, lan merkatuak bizi duen momentu onaren beste adierazle bat.

(informazio +)



> **LGENF Europar Funttsak %80arekin hornituko du Aldundiaren laguntza landa arloko 21 gazte ekintzaileentzat**

Foru erakundeak 831.940 euroko laguntza eta aholkularitza teknikoa emango ditu proiektu horiek garatzeko, belaunaldi aldaketa xedetzat hartuta.

Dirulaguntzek Europar Batasunaren finantzazioa dute, % 80koa, LGENF funtsaren bidez. Onuradunak Gaztenek 2015-2020 prozeduran sartuta daude. Prozedura horri jarraitzen zaio EAEn lehen aldiz instalatu nahi duen gazte bati laguntzeko, tramitazioa egiteko, egiaztapenak egiteko eta, hala badagokio, instalazioari laguntza emateko, eta horretarako enpresa plan bat aurkeztu behar izan dute.

Gipuzkoako 21 gazte lehen sektorean hasiko dira lanean, Gipuzkoako Foru Aldundiaren babesarekin. Horretarako, Aldundiak dirulaguntza deialdia egingo du, 40 urtez azpiko nekazariak enpresa berriak sor ditzaten: 8 gazte lehendik abian ziren ustategien kargu egingo dira, eta 13k, berriz, ustategi berriak zabalduko dituzte. Foru Aldundiak 831.940 euro bideratuko ditu 2019an programa honetara, ongi prestatu eta kualifikatutako gazteak jarduera hauetan has daitezen, belaunaldi aldaketa sustatuz, eta garapena, dibertsifikazioa, enplegua eta enpresen sorkuntza bultzatuz.

«Gipuzkoa ezin da ulertu lehen sektorea gabe. Eta zuek zarete etorkizuna», adierazi du Markel Olano diputatu nagusiak foru jauregian egin den ekitaldian. Ekitaldi horretan egon dira lehen sektoreko hainbat eragile, programan parte hartuko duten zenbait gazte, Aldundiko ordezkariak -hala nola Ekonomia Sustapeneko, Turismoko eta Landa Ingurunekeo diputatu Imanol Lasa, Nekazaritzako eta Landa Garapeneko zuzendari Xabier Arruti, eta Mendietako eta Natura Ingurunekeo zuzendari Arantxa Ariztimuño-, nekazari gazteei beren proiektuak aurrera eramaten lagunduko dieten zenbait pertsona eta lehen sektoreari lotutako hainbat eragile.

(informazio +)



> **Mugaz gaindiko Euroeskualdeak gazteriarentzako bere egitasmoak aurkeztu ditu, eta POCTEFA, Erasmus+ edo European Solidarity Corps programekin lanean ari da**

Euskadiko, Nafarroako eta Akitania Berriko gobernuetako Gazteriako ordezkariak gazte kultura-ekitaldiak, Euroeskualdeko auzolandegi baten antolaketa eta bidaiak prestatzen dituzte Euroeskualdearen barruan, eta, horrela, "Euroeskualdearen lurraldearen ezagutza" sustatzen dute.

Arola Urdangarinek, Euroeskualdearen jarduneko zuzendariak, erakundearen ibilbidea aurkeztu du, hala nola haren Plan Estrategikoa, 2018an eguneratutakoa. "Gazteria estrategiaren muinean dago eta horregatik hainbat ekintza bultzatu ditugu, hala nola POCTEFA programaren bidezkoak, geure bi urteroko proiektu deialdia; eta baita ere hiru lurraldeen eragileekiko elkarlan estrategikoak".

Horren adibide dira Euskarabentura, erakundearen finantzaketari esker sortutakoa; Eskola Futura, ikasleen mugikortasuna sustatzen duena, hala nola lurraldeen arteko hizkuntza elkartrukaketa, eta mugaz gaindiko enplegua; Euroeskualdearen Beka, Erasmus programan parte hartzen duten ikasleei laguntzak ematen dizkiena, eta bestelako mugikortasun motak bultzatzeko tresna bat izateko pentsatua dagoena, hala nola Lanbide Heziketako ikasleena edo bekadunena.

Eusko Jaurlaritzako ordezkari den Agurtzane Llanok adierazi du "Euskadik ere bultzatzen du gazteen mugikortasuna elkartrukaketak sustatuz Europako lurraldeen artean, Erasmus+ programakoak zein European Solidarity Corps-ekoak".

(informazio +)



EUROPA 2020 ESTRATEGIA

> Eusko Jaurlaritzak eta garapen agentziek urrian Hazinnova aurkeztuko dute Gipuzkoako ETEen aurrean, Europako Batzordearen Lurralde Berrikuntza Koadroaren irizpideak jarraitzeko

Hazinnova ekimenak 2,5 milioi euroko aurrekontua du eta duela gutxi argitaratutako Europako txosten batek berretsi du ekimen honen garrantzi estrategikoa. Regional Innovation Scoreboard 2019 txostenaren arabera, Euskadik bere berrikuntzako errendimendua hobetu du azken zortzi urteotan, baina hobekuntza hori ez da nahikoa izan Euskadik Berrikuntza-maila Handiko Eskualdeen multzoan jarrai dezan, Europako batez bestekoa gehiago hazi delako proportzioan. Ahulezia handiena erakutsi dutenak ETE txikienak izan dira.

Hazinnova programan parte hartzen duten Gipuzkoa-esoarruko eragileak 10 eskualde garapen agentziak dira, eta bertan Eusko Jaurlaritzarekin batera egiten dute, hala nola SPRI, Innobasque eta kontsultoria egiten duten beste erakundeekin, batik bat enpresen elkarteekin hain zuzen ere.

Euskal ETEek doako aholkulari espezializatu bat eskatu ahal izango dute spri.eus webgunearen bidez, eta aholkulari horren laguntzaz aukera izango dute lana antolatzeko modu berriak eta produktu nahiz zerbitzuak merkaturatzeko metodo berriak ezartzeko.

Hazinnovak kontsultoria espezializatuzko 50 ordu eskaintzen ditu dohainik, prozesu osorako izendatutako Hazinnova eragile baten eskutik, tramitazio administratiboaren kudeaketarako sustapena, eta hiru hilabetetan emaitzak lortzeko aukera.

Hazinnovak ETEei lagunduko die enpresaren errentagarritasuna kontrolatzeko, prozesuen eraginkortasuna hobetzeko, garraio epeak eta kostuak murrizteko, enpresako pertsonak motibatze, merkatu kuota handitzeko, bezero mota berrietara heltzeko, edota industri marka eta diseinuak babesteko.

Jardunaldiak urrian izango dira, 1ean Tolosan, 3an Irunen, 9an Azkoitian eta 18an Eibarren.

(informazio +)



> **Bidegik 2020rako energia helbururako urratsak eman ditu eta Europa osoko garraiolariantzako zerbitzua eskainiko du, Astigarragako Garraio Zentro Integralaren bidez**

6,8 milioiko inbertsioarekin, instalazioek ez dute parekorik Estatu mailan. 355 kamioi hartzeko gaitasuna izango dute, eta trafikoa hobetzen lagunduko dute.

Bidegiko Administrazio Kontseiluak AP-8ko Garraio Zentro Integraleko lehen jarduketa esleitu du. Astigarragako plataforma berriari dagokio, eta 6.831.737 euroko kostua eta 24 hilabeteko exekuzio epea izango ditu. Plataforma autopistaren 17,000 puntu kilometrikoan dago, Behobiako noranzkoan. 355 kamioientzako aparkalekua izango du, zerbitzu eraikin bat eta kanpoko aparkaleku bat 39 ibilgailu arinentzat. Garraio Zentro Integrala Oiertzungo eremua eraldatuta osatuko da. Eremu hori Bilboko noranzkorako izango da, eta 190 kamioientzat izango da. Guztira, beraz, 545 kamioi hartuko dira.

Kontseilu berean, AP-1 eta AP-8an eraginkortasun energetikoa hobetzeko proiektua onartu zuen Bidegik. Horrela, bi autobideetako tuneletako argiteria iraunkorra eta lotuneetan, ordainlekuetako guneeetan eta sarrera eta irteeretako bide adarretan dauden luminariak aldatuko dira. Orotara 3.700 argi-puntu aldatuko dira.

Aldaketa medio, orduko 3,4 megawatt aurreztuko dira urtean, egungo kontsumo elektrikoaren % 22 gutxiago, 2020rako Europak eskatzen duen % 20ko eraginkortasun energetikoaren ildotik. Horrek esan nahi du urtean 818,66 Co2 tona gutxiago isurtzea.

Proiektua Bidelaneke finantzatuko du, emakida esleipenean eraginkortasun energetikoa hobetzeko neurriak gauzatzea jasoko delarik. Aurrekontua 1.705.519 eurokoa (gehi BEZa) da eta lanak 25 astetan burutu beharko dira.

(informazio +)



> **LABe, irekia Tabakaleran: gastronomia eta teknologiarako espazioa, Europako laborategi "bizidunen" sarean**

LABe - Digital Gastronomy Lab-ek uztailearen 8an ireki ditu ateak Tabakalerako prisman, Donostian. Basque Culinary Center-ek kudeatzen duen berrikuntza irekiko living lab honek teknologia eta pertsonak integratzen ditu, gastronomiaren etorkizun digitala sustatzeko asmoz. Etorkizuneko gastronomia birpentsatu eta horren inguruan batera sortzeko espazioa da, betiere kode digitalean.

Inaugurazio-ekitaldian, bisita gidatu bat egiteko ere aprobetxatu da, bere espazio nagusietan zehar. Bertan izan dira Arantxa Tapia, Eusko Jaurlaritzako Ekonomiaren Garapen eta Azpiegitura sailburua; Markel Olano, Gipuzkoako diputatu nagusia; Eneko Goia, Donostiako alkatea; Joxe Mari Aizega, Basque Culinary Center-eko zuzendari nagusia; eta Edurne Ormazabal, Tabakalerako zuzendari nagusia.

LABe – Digital Gastronomy Laben lan metodologia aintzatetsi du European Network of Living Labs-ek (ENoLL), Europako Living Lab onenak biltzen dituen nazioarteko federazioak. LABe-k zortzi adituko batzorde bat dauka, sektoreko erreferenteak nazioarte mailan, startup eta ekintzaile berriei laguntza emango dietenak; aipagarriak dira, horien artean, Brita Rosenheim (Better Food Ventures), Amit Zoran (Jerusalengo Unibertsitateko gastronomia digitaleko ikertzailea) eta Beatriz Romanos (TechFoodMag).

(informazio +)



DOKUMENTU INTERESGARRIAK

> **Doitasunezko nekazaritza eta Europako lehen sektorearen etorkizuna**

Doitasunezko nekazaritzarekin (DN) loturiko lau oinarritzko aukera eta kezken identifikazioa Europar Batasunaren kasuan, Europako Legebiltzarrak aurreikuspenezko neurrien helburu izateko modukoak.

(informazio +)

> **Parekideen arteko online plataformen merkatuen kontsumitzaileen arazoen aurretiazko ikerketa**

P2P plataforma bidezko 5 merkatuetako kontsumitzaileen arazoen azterketa. Ondasunen (bir)salerosketa; ondasun edo egoitzen alokairu edo erabilpen partekatua; garraioaren erabilpen partekatua edo kontratazioa; eta bestelako noizbehinkako lanak.

(informazio +)



EUROPAKO DEIALDIAK

> LGENF.

Landa Garapenerako Europako Nekazaritza Funtsa. 2019 Leader programa. Langileen kontratazioarako laguntzak 2015 - 2020 Euskadiko Landa Garapen Programaren barne. "Leader" zonalde zehatzetarako dibertsifikazio proiektuak.

[\(informazio +\)](#)

> LGENF.

Elkarkidetzarako laguntzak 2015 - 2020 Euskadiko Landa Garapen Programaren barne. Landa arloko eta 2 edo erakunde gehiagoko proiektuak, aukerazko 7 lerrotarako (Europako Berrikuntza Elkarterako jasangarritasunerako elkarlanak, berrikuntza garapena, turismo zerbitzuak, tokiko edo zuzeneko banaketa, eragin klimatikoa, biomasa, gizarte eragina).

[\(informazio +\)](#)

> Horizon 2020.

Deialdi aurre-iragarpena ERA-NET CSP-ren barneko nazioarteko proiektuetarako. Konzentraziozko Eguzki Energiari (CSP-ri) buruzko arloa ERA-NET Europako laguntzen barne, I+G estrategikoaren arloan, mugaz gaindiko elkarlanaren sustapenerako deialdietarako gainontzeko elkarfinantzaketarako. AEI, Estatuko ikerketa agentziaren partaidetzarekin.

[\(informazio +\)](#)

["EUROPAKO FUNTSAK GIPUZKOAN" webgunea](#)